

Akira&Luna, 7j.



suechet zäme äs nöiies Daheime mit Freigang

Miau, miau

Dörftet mir üs vorschläue? Mir sy Chatr Akira u Chätzin Luna, luege mir nid härzig? Mir sy uf dr Suechi nach eme nöiie Daheime. Warum? I üseri Familie git's Nachwuechs, s'geit druntr u drübr, niemr het Ziit für üs, mir chomme viu z'churz. Mir gloube, sy sy eifach überforderet vo auem. U sy wünsche üs es guets Daheime, wo mir wiedr im Mittelpunkt dörfte schtah. S'isch zu üserem Wou. Drum!

Mir sy Gschwüschterti, ähti Savannahs, 7jährig, kaschtriert, gimpft, chippet, schtuberein, gsung u pflägelicht. Ziemlech lebhaft (zmindest dr Akira), typisch Savannah, ungerschätz üs nid, mir sy ja ou erscht 7ni. Dr Akira isch zwar aafangs dr Schüechi, abr wehe er isch uftout, denn isch er en lebhaft wuide. U er muuset! D'Luna isch so gar nid Savannah-typisch, sy nimmt's gmüetlech, liebt Schmüsele u chunnt gärn mit is Bettli, i Di's Bettli, sy isch scho fascht e chliini fuuli Muus. Abr e ganz e liebi fuuli Muus! Mir chenne's, we üseri Familie tagsüber zum Schaffe geit, mir chönne üs benäh im Huus, nur abends, denn muess denn abr Programm bote wärde. Mir bruuche eifach Ungerhautig u müesset ou geischtig gforderet wärde. Mir wohne derziit im e grosse Huus u hei Freigang. Das bruuche mir scho wiedr: viu Platz u Freigang i verchehrsarmer Umgäbig, ou en gsicherete Garte wär öppis für üs, Houptsach usse u Gras unger di Pfote. Auso für Akira, der wott usse, d'Luna macht nur ihr Gschäftli dusse u denn, schnäu wiedr inne, Reläxe isch bi ihre aahgseit! Hung u Chatz wönnt mir nid daheime, ou chei chliini Ching, grösseri so ab 12i wäret cheis Problem.

Mir sueche liebi fitti Lüüt mit viu Ziit u Platz für üs. Mir hättet gärn ou wiedr Freigang, am Bäschte im e grosse gsicherete Garte odr i verchehrsarmer ländlecher Umgäbig. U es Chatzetörli! Odr wottsch Du ou nachts Türliöffner schpiue? Ebel! Was meinsch, chönntsch Du üs so öppis biete? Ja? Denn chönnt das üses nöie Daheime sy bi Dir, denn müesset mir üs unbedingt lehre chenne. Mir wohne im Moment no z'Berikon/AG, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üsr agno u suechet für üs das nöiie Plätzli. Wenn chommsch Du üs bsueche?

Dini Akira&Luna



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch